


Antidotum contra Discordiæ  
conjugalis venenum,

S E U

*Disputatio Inauguralis*

D E

# STABILIENTDA PACE INTER CONJUGES



Q U A M

DEO OPTIMO MAXIMO AVSPICE,  
Decreto & Autoritate Nobilissimi & Amplif-  
simi J Ctorum Ordinis in Illustri Academia  
Hasso - Schaumburgica,

P R A E S I D E

DN. DAVIDE PESTEL,

J Cto, ac in Academia hac Codicis & Feudorum  
Professore & Facultatis suæ Seniore, Præceptore ac Patrono  
suo devenerando,

*PRO LICENTIA*

SUMMOS IN UTROQUE JURE HONORES  
& privilegia consequendi,

PUBLICO ET SOLENNI EXAMINI EXPONIT

**CUOJUS SCHNELL**

*In Collegio ICtor. ad diem Ian. horis ante & pomerid.*



R I N T E L I I, Typis Wachterianis. 1667.





# *In Nomine Dni JESU CHRISTI*

TH. I.



Nuptiarum dignitas ex multis causis est conspicua, quippe cum societatem conjugalem DEUS in Paradiso, in statu innocentiae adhuc homine vivente, instituerit, quod de cæteris societatibus non facile quis prædicabit. Deum autem societatem conjugalem sanxisse, præter sacras literas & scripta saniorum Ethnicorum, quibus sacra Pandectæ incognitæ, ostendunt, uti Dionysius Halicarnassæus, vera Dei cognitione destitutus, matrimonii inventionem Diis tribuit, & eximia sunt verba Grotii *ad Epistol. ad Hebræos cap. 13. v. 4* ubi ait: apud omnes gentes moratas honor est conjugio, ac nec DEO thorus displicet. Et dignitatem illam splendidiorem facit, quod Christus nuptiis intersuerit, unde

4  
venerabilis Beda *super Iohannem* rectè colligit: Si tho-  
ro immaculato vel nuptiis castè celebratis culpa inef-  
set, Dominus nequaquam eos signorum suorum initiis  
consecrasset; Cui accedit Chryllostom. *Homil. 4. in E-*  
*saiam*, ubi inquit: Christus, licet virgo, nuptias accessit  
utque & mater & discipuli, imò nuptiali munere com-  
mendavit, ne quis nuptias abominaretur.

I I.

Ejusdem præstantiam etiam exhibet ejus necessitas  
& summa utilitas, quippe quæ ab interitu genus  
humanum quasi vindicat, matrimonium enim sic hone-  
stum est, ut humano generi videatur immortalitatem  
artificiosè introducere, & ex filiorum procreatione  
renovata genera maneant. Justinian. *Nov. 22. in pr.*  
& eadem penè habet in *Nov. 140* ubi hæc ejus verba:  
Nihil in rebus mortalium perinde venerandum est at-  
que nuptiæ, ex nuptiis fiunt liberi & omnis familiæ series,  
indeque fit optimæ Reipublicæ coagmentatio.

I I I.

Quamvis autem conjugium tam honestum tam san-  
ctum sit, tamen non caret suis difficultatibus, tum  
quod fortuna adversa sæpius luctum & alia mala accer-  
sat, tum quod bona mulier sit res inventu difficilis, Ac-  
curs. *ad l. ex his ff. de LL.* & hinc dissidia, imò aliquan-  
do & odia conjugale fœdus turbent, de quo Juvenal.  
*Satyr. 6.*

Semper habet lites alternaque jurgia lætus  
In quo nupta jacet, minimum dormitur in illo,  
Plus fellis, quam mellis habet.

Prætereamus molestias quas proles creare solet, quod  
& Imp. Theodosium & Valent. movit, ut matrimo-  
nium tot & tantis difficultatibus opprimi rescripserint  
in l.



in *l. un. C. de imponend. lucrat. descript.* & Divus Hieronymus gravem premere illud sarcinam docuit, allegante cum text. in *c. omnes Caus. 32. q. 7.*

## I V.

**N**on tamen fas est ob illa incommoda vitam conjugalem abominari, vel cum quibusdam male sanis statuere, duos tantum in matrimonio dies esse jucundos, unum cum uxor ducitur, alterum cum mortua effertur, cum nulla pars vitæ humanæ, nullus status, nullum genus incommodorum sit expers, & verum sit illud Poetæ:

Sunt mala mixta bonis, sunt bona mixta malis.  
Et cælibatum ac statum solitarium sua habere incommoda, ostendit Ecclesiast. *c. 4. v. 9.* ubi antecedentia in modum hunc concludit: Melius ergo est duos esse simul quàm unum, habent enim emolumentum societatis suæ, si unus ceciderit, fulciatur ab altero; Væ soli, quia cum ceciderit non habet se sublevantem, & si dormierint duo, fovebuntur mutuò, unus quomodo calefiet? A quo non abludit Metellus Numidicus *in oratione quam Censor habuit*, Si sine uxore, inquit, Quirites, possemus esse, omnes ea molestia careremus, sed quoniam ita natura tradidit, ut nec cum illis satis commode, nec sine illis ullo modo vivi possit, salutis perpetuæ potius, quam brevi voluptati consulendum.

## V.

**H**inc etiam est, quod legumlatores præter cæteros rerum prudentia spectatissimi, in multitudine Civium non minimam Reipublicæ felicitatis partem ponentes, *πολυγαίdeας* præmia invenerint, sed etiam qui illos, quibus ob penè infinitas molestias conjugum exosum videbatur & præmiorum invitatione se duci nō pa-

riebantur, multis & pœnis affecerunt. Hinc Censores Romani, quorum munus inter cætera fuit, populi ætates, soboles, familias censere, cælibem vitam prohibuerunt, Cicero *lib. de Legib.* & apud Romanos culpabile erat liberos non habere, & cælibem ad senectutem pervenire, nec cælibes quicquam ex Romanorum testamentis poterant capere. Gædd. *ad l. 128. d. V. S.* de quo Juvenalis *Satyr. 6.*

Jam pater es, dedimus quod famæ opponere possis,  
Jura parentis habes, propter me scriberis heres,  
Legatum omne capis, nec non & dulce caducum,  
Commoda præterea junguntur multa caducis  
Si numerum, si tres implevero.

Lacones conjugalem vitam ultra tempora à lege præscripta differentes, omnibus vestibus spoliatos, media bruma forû obire cogebant. Plutarch. in *Lycurg.* In ditio-  
ne Palatinatus. *Odenwaldi*, qui cælibes exceßerunt vigesimum quintum ætatis annum dicuntur *Hagenstelschen* / & eorum bona fisco applicantur.

## VI.

**N**on tamen nimis ad nuptias properandum, sed ubi & quam & qualem & quo genere satam quis ducturus sit, dispiciendum, & quod caput est, cum Deus omnia ex alto provideat, illum oportet implorare, ut illorum, quos in studium pietatis, honesti & omnis solidi boni, conspiraturos, quæ est ipsius infinita providentia, providet animos, hoc vinculo jungat, Diaboli, quæ est ipsius in nocendo humano generi industria, insidiis repagula struat, & mala corporis ac animi arceat. Quæ de causa veteres pij ad oratoria confugiebant, & sua desideria in Ecclesia proponi faciebant, uti videre est vel ex illis quæ antiquissimus Tertullianus, qui vixit in fine seculi secundi



secundi ad uxorem habuit : Unde sufficerem ad enar-  
randam felicitatem ejus matrimonij quod Ecclesia con-  
ciliat, & oratio confirmat, & obsignatum Angeli renun-  
ciant, pater pro rato habet, Baron. *Observ. A. C. 57.*

## V I I.

U Nde etiam haud dubie profectum, quod conjugijs  
in Ecclesia publicè benedicatur, quem morem jam  
& ævo Ambrosij fuisse receptum, ostendit *Epistola 70*,  
qua conjugium velamine sacerdotali & benedictione  
sanctificari oportere, docet ; Et idem Concilium Car-  
thaginense celebratum Anno Christi 398. cui Divum  
Augustinum interfuisse putant, *Can. 13*, sanxit. Quod  
tamen non est accipiendum, quod Sacerdotalis copula  
de nuptiarum essentia sit ita, ut eâ omisâ matrimonium  
quoque sit nullum, cum propter consensum & ante be-  
nedictionem Canonistis perfectum dicitur, docente  
hoc uberius Dn. Struv. *Exerc. 29. th. 26*. Veluti etiam ob  
eam quod uxorem ducere causa eadem sit, etiam apud  
gentes sponsalia nuptias præcesserunt, de quo more ve-  
nustè Augustin. *lib. 4. confess.* Institutum est, inquit, ut  
pactæ sponsæ non statim tradantur, ne sponsus vilem  
& timet datam, quam diu suspiravit dilatam: quod ta-  
men etiam non porrigimus eò, quasi sponsalia neces-  
sariò præcedere debeant, cum etiam nullis præviis  
sponsalibus nuptiæ suum robur habeant, non attento  
quod Imperator Alexius Comenus suo seculo pro-  
hibuit, nuptias & sponsalia simul eodem die & eadem  
hora peragere, sed illa tempora secerni jusserit. Tem-  
pore sanè Ecclesiæ Judaicæ sponsalia necessariò non  
præcessisse, constat ex historia Tobix, & illis, quæ ha-  
bentur *1. Samuel. 25. 40. Indic. cap. 14. v. 8.*

## V I I I.





## V I I I.

DEI auxilio & consilio implorato, oportet in eligenda uxore eò accuratiorem, quò majus subest erroris periculum, & quò arctiori vinculo conjugum animi sunt vincendi, adhibere deliberationem. Matrimonium quippe definitur iudivdua vitæ consuetudo, non solum propter arctissimam conjunctionem, quæ est inter conjuges, sed etiam propter inseparabilitatem, cum ex voto contrahentium sit perpetuum, licet ex accidenti aliquando eveniat separatio, Bachov. *ad §. nuptia. i. Inst. de Patr. potest.* Unde proverbium vulgare, *Weiber nehmen ist kein Pferde Kauff* / & levitas hodie ducendi uxorem & cras divertendi ab uxore, omnibus penè moratoribus populis improbata, quibus etiam non placebit, quod Strabo *Lib. 2.* de Catone Uticensi scribit, cum nimirum uxorem suam Martiam concessisse Hortensio liberorum causa, modo id verum sit. Nec censemus tolerandam esse opinionem Anabaptistarum, non verò omnium, sed quorundam, qui quoad Baptismum usque ad annos ætatis integræ differendum cum reliquis faciunt, at in communione omnium bonorum, imò & uxorum, asserenda sunt singulares, quam opinionem etiam Platonis fuisse referunt, quam ut fanaticam Orthodoxi meritò rejiciunt, Vid. quos cit. Parens meus fixæ memoriæ in *Justinian. Controv. Disp. 9. th. 3.* pugnatq; ea cum prima institutione quæ duos voluit esse in carne una *Genes. 2. vers. 24.* Ex hac individua vitæ conjunctione non oportet rerum communionem inducere, quanvis enim per nuptias divina & humana jura communicentur, Modest. in *l. 1. d. Rit. Nupt.* & societas vitæ quodammodo dominam uxorem faciat, Paul. *l. 1. ff. d. act. rer. amot.* & per conjugium familia sit





sit commixta & una domus, Ulpian. in *l. 1. §. 15. Ad Scit. Silan.* unde alter conjugum alteri aliquid surripiciens, non dicitur furari *l. 1. l. 2. & tot. tit. rer. amot.* & uxor incola ejusdem civitatis est, cujus est maritus *l. fin. §. 3. ff. ad Municip.* tamen conjugum bona non sunt comunia, nec enim viri servi propriè sunt servi uxoris per text. *int. 1. §. 15. ff. Ad SConf. Silan.* Petr. Peck. de *Test. conj.* Covarr. d. *ma. erim. part. 2. c. 7. §. 1. n. 5.* Imò bona constante matrimonio acquisita solius sunt mariti *l. Quintus. 51. ff. de donat. int. vir. & uxor.* Lopez. de *lucro constant. matrim. acquis. c. 4. n. 1. 2. & 15.*

## IX.

**I**Nter illa, quæ circa eligendam uxorem attendenda monuimus, primo loco posuimus, quod generis sit habenda ratio, ut ducatur ea, cujus parentes sint honesti & veri amantes, in pietate industrii, in virtutum exercitio alacres, castitatis servantissimi, & economicæ virtutis & eorum, quæ in homilia & conversatione sunt laudi, studio. Liberi enim cum primo lacte imbibunt naturam parentum, illorumque improbitas ferè in liberis reside-  
re præsumitur *l. 1. §. 1. C. Ad Leg. 1. l. Majest.* Mali enim cor-  
vi malum ovum. Quò facit, quod Phavorinus Philoso-  
phus apud Agell. *lib. 12. noct. att.* nobilifæminæ suadet, ne  
patiatursi alio lacte nutricum vel aliàs alieno, quia  
scilicet hoc pacto non rarò nobiles alioqui naturæ so-  
leant ducere spiritum contagiosum in animum atque  
corpus suum ex corpore & animo deterrimo. Agell. *d. l.*  
ubi multa pulchrè huc facientia assert. E contrà con-  
sentaneum est, virtuti addictorum liberos probè esse e-  
ducatos & virtutis paternæ futuri imitatores,

Dos magna Parentium Virtus.

Quo etiam pertinere videtur, ut is, qui de thori socia si-



bi asciscenda sollicitus est, generis æqualitatem, quantum potest fieri, respiciat, juxta illud:

Si qua voles aptè nubere, nube pari.

Etenim haud rarò accidit, ut ducens uxorem genere longè superiorem, dominam patiatur, non uxorem, utpote obsequi nescientem. Tales namque ignobilis mariti contemptum inducere, & servum intueri non conjugem, toto die videre est. Hinc talem conjugem ducentes, vivi manes suos patiuntur, & damnati miseriorum ad æternos prouunt cruciatus.

### X.

Lege XII. Tabb. referente Dionys. Halicarnass. disertè fuit cautum, Ne Patricius cum plebejis esset connubium, idque ab Appio Claudio Decenviro postremis duabus tabb. additum fuit, Liv. *in hist. lib. 4.* Nec non lege Julia de maritand. ordinib. cautum fuit, ne Senator vel Senatoris filius, nepos vel pronepos duceret libertinam, nec cujus pater matervè artem ludicram exerceat, *l. Oratione D. Marci. 16. in pr. l. 44. l. 47. ff. d. R. N.* quæ tamen à Justiniano sunt temperata, vid. Marpurg. *Vol. 3. conf. 34. n. 1.* & hodie non obtinent, Rittershus. *lib. 1. different. c. 23.* Zypræus *in not. jur. belg. de sponsalib. in pr.* Vinnius *Comment. ad Inst. §. 11. de Nupt.* Verum consistere quidem possunt tales nuptiæ, at non sunt commodæ, non sunt sine periculo; de illo agit apud Barclai. *In Argenid. p. 1. lib. 3.* Rex Meleander, ubi ait: Privatorum est eligere matrimonia ex amicitia affectu, vel morum concordia, Nobis illa suavitas exuenda est; Regum enim fortuna est, ut nunc indignos & exosos per sanctissima fœdera sibi conjungant, nunc omnium nexuum jura, omnisque sanguinis charitatem, in humana necessitas negligat. Charissimus esse solet, qui utilitate



tate præcipua potentiam nostram alit, & affinitates pulcherrimæ consentur, quæcunque regnum stabiliunt. Et paulo post pergit: Scio à Regibus sæpe filias aut sorores spargi in eos, quos fallere amicitia specie volunt, vel ad tempus placare, nihilque deinde sui sanguinis pignoribus, nihil nominum quæ mutuo inierunt, reverentiâ motos, pacem ac bella ex temporum & fortunæ ingenio æstimare. De hoc parata sunt exempla aliqua tristia, constat enim inter alias causas, cur Ericum fratrem Regem, Johannes Finlandiæ, & Carolus Sudermanniæ Duces regno privârint, hanc adferri, quod in auditâ levitate & imprudentia, Catharinam, militis vilissimi filiam, Hamelman. *Chronic. Oldenb. p. 2. c. 16.* ex concubina contra omnem honestatem in uxorem duxerit, solenniter in templo coronâ regali ei imposita. Thuan. *hystor. lib. 43.* qui postea in conclave quoddam arcis cum conjugè inclusus & custoditus est, referente Chytræo in *Chron. Saxon. lib. 22.* Uladislaus Jagello quoque Poloniæ Rex, eò quod se pari matrimonio Elisabethæ Pileciæ, Ottonis Palatini Sendomiriensis filia, obstrinxit, nomini suo non modo apud suos, verum etiam apud exteros plurimum detraxit, ut Concilium quoq; Constantiense eâ famâ, traducentibus cruciferis impleret.

## X I.

Non intempestivè hic quæri potest: An Princeps Imperii in bonis gentilitiis aut juri primogenituræ subiectis, ultimo elogio hanc conditionem adjicere possit, ut filius aut successor ejus, uxorem ducat ex hac vel illa familia Illustri, aliàs primogenii successionem privetur? Non desunt, qui satis confidenter statuunt, hanc conditionem esse validam, quorum sententia legibus comprobati posse viderur. *l. 15. ff. de condit. & demon-*



*frat. Johan Baptista Larrea decis. Granat. 46. n. 23. p. 1. vid.*  
*l. 1. c. de Instit. & subst. ibique* Sichard. Barbof. *in Collect.*  
*Wissenb. Brunneinan. Aceedit exemplum* Isaaci, qui fi-  
 lio suo præcepit, ut acciperet uxorem ex familia Laban,  
*Gen. 6. 28. Ludov. Molin. de Majorat. lib. 2. c. 13. n. 1. &*  
*seqq. Basil. Pont. de matrimon. lib. 3. c. 6. Knipschild de*  
*fideicomiss. fam. l. c. 6. n. 387. & seqq. Galgancet de Condit.*  
*part. 1. c. 8. Verum licet hæc argumenta non parum pon-*  
*deris in se habeant, Negantem tamen sententiam verio-*  
*rem Putamus, moti hoc argumento: Quæ bona filii*  
*non ex beneficio patris, sed ex pacto & providentia pri-*  
*mi principis acquirentis possident, in illis à patre pœnali*  
*aliquâ conditione, libertati nubendi contraria, gravari*  
*non possunt. Atqui illa bona gentilitia filii non possi-*  
*dent ex beneficio patris, sed ex pacto primi acquiren-*  
*tis &c. Andr. Knichen de pact. Invest. part. 2. c. 5. Dn. Struv.*  
*Syntag. jur. Feudal. cap. 4. th. 12. Hartm. Pistor. lib. 2. q. 1.*  
*n. 10. Ergo. Et profecto insignis est differentia inter ea,*  
*quæ à patre, & ea quæ ex providentia primi acquiren-*  
*tis ad filium pervenerunt, uti benè respondit Alphen. in*  
*l. eum qui 3. ff. de Interd. & Relegat. Hinc Cassiodor. lib. 4.*  
*var. rescript. 10. scribit: filius obligationibus paternis si*  
*non hæres, exuitur, Rus dorff. in vindic. Palat. c. 12. n. 2.*  
*& seqq. Ex quibus rectè concluditur, quod parens natu-*  
*ram & proprietatem illorum bonorum dispositione pa-*  
*ternâ immutare nequeat. Molina de Majorat. lib. 1. c. 8.*  
*n. 10. Goldast. cod. tract. lib. 3. c. 16.*

## XII.

**A**nte genus & parentes electos propriæ virtutes in dû-  
 cenda maximè spectandæ sunt, commendat enim ali-  
 quem quidem majorum claritas, sed magis propria vir-  
 tus, Bodin. *lib. 3. de Republ. c. 8.* Et virtus in antiqua nobili-  
 tate



tatè fulget velut gemma in auro, & juxta Taubman-  
nii in Epigram.

Is meruit veræ sibi nobilitatis honorem

Quem genus & genii nobilitavit honor.

Et hic summo in solio collocamus pietatem, omnium  
virtutum Reginam *arg. l. inter claras C. d. summ. Trinit. quæ*  
est radix & fundamentum, & habet promissionem hujus  
& futuræ vitæ. Pietas autem consistit in verâ Dei noti-  
tia & cultu. Nosse Deum, inquit sapientia, consummata est  
justitia, & scire virtutem ejus radix immortalitatis, Sapi-  
ent. *c. 15. v. 3.* Sapientia præcedit, cultus sequitur, quia pri-  
us est Deum scire, consequens colere. Lactant. *lib. 4. Instit.*  
*Divin. c. 4.* Postquam secundum locum meretur verecun-  
dia & castitas, præcipuum mulierum ornamentum, & quæ  
sola utique est, quæ potest cum fiducia animas hominum  
Deo præsentare, Justinian. *Novell. 14. §. sancimus.* Fran-  
cis *c. Viv. lib. 3. decis. 454. n. 11.* Quibus dotibus si accedat  
forma secundum Aristotelem teste Laert. in vita Ari-  
stot. *lib. 5.* muta hominis commendatio, animo pulcher-  
rimo pulcherrimum domiciliū & pulchro hospite pulchrâ  
domū habitante, est ad quod amandum homo pronio: c  
ducitur animo, juxta illud Poëtæ: Grator est pulchro ve-  
niens è corpore virtus; si autem forma animi dotibus  
non sit stipata, uti sæpe contingit, dum forma etiam  
præstans insignem improbitatem animi & mores ex-  
crandos obnubit, uti Poëta canendo exprimit:

Sæpe etiam occuluit pictâ sese hydra sub herba,

Et nivea irrepfit furialis lilia vermis,

Quin animus nequam atque occulto crimine  
plenus

Sub specie formæ incauto se sæpe marito

Vendidit, & miserè tulit invida jurgia lecto.



Ut prætereatur, ob bonum fragile & quod ipsum tempus diminuendo carpit, non esse amorem alicui addicendum. Et quæso, quomodo sibi consulit ille, qui hodie juvenecam, invitatus solâ illius lepidâ formâ ducit, anno exacto ob morbum corpus excedentem omni venustatē spoliandam? Proba, pudica & economicæ administrationis gnara, esto ducenda, cujus dotes, si formæ lepos cumulet, magis amabilis erit, quam etiam munditiei studere non prohibebimus, ast ut corollaria hæc duo habere fas est.

### X I I I.

Non tamen hæc sufficiunt, insuper oportet ætatem ducendæ & ducentis inspicere, circa quam & leges & sapientum opiniones variant. Ante Justinianum nostrum Imperatorem, optimè de jure meritum, non certis erat inclusa annis, sed ex inspectione corporis de eâ judicabatur, teste eodem nostro Imperatore (cui præcedentium seculorum mores satis experto, plus fidei tribuendum, quam aliis qui nodum in scirpo quærere non verentur) Justiniano autem placuit tempus in masculis ad ducendum decimo quarto, in fœminis ad nubendum duodecimo definire anno, perhibentibus illud *text. in princ. Instit. d. Nupt. l. 4. d. R. N. l. 4. d. Condit. & demonst. l. pen. quand. dies legat.* cum hoc tempore ipsa ætas pubescat, & vis generationis in masculis moveatur, & fœminarum purgatio plerumque incipiat. Macrobius in *saturn. Scipion. lib. 1. c. 6.* Aristot. 5. *Polit. 17.* Et quamvis malitia ætatem aliquando suppleat, uti habetur *c. 6. & 9. d. desponsat. impub.* de quo casu apud Aristophanem illa loquitur.

Ego enim ipsa primum, ut ne alia dicam

Conscia sum mihi ipsi multorum malorum. Illud  
verò certè

In-



Indignissimum est, cum sponsa sui tres dies, (cus  
Et maritus apud me erat dormiens, erat mihi amicus  
Qui quidem me vitiavit septem annorum existentem.

Et fœminas quasdam septimo ætatis anno parere, notat Plinius *lib. 7. c. 2.* & apud Indos Orientales septennio minores parere, narrat Nobil. Mandelslo *in Epistola ad Olearium*, subjecta ab ipso descripto itineri in Persiam suscepto, tamen terminus ille à nostro Justiniano juxta illud quod communiter fit, præscriptus, regulam meritò constituit. Aristoteles quidem etiam à Justiniano discedit, & maribus postquam annum 36. superarant, puellis verò post decimum octavum annum conjugia permittit, quod nimirum uterque sexus eo tempore suis viribus plane auctus existimetur, & hoc monitum esse sapientissimum censet Carpz. *lib. 2. jurispr. consist. tit. 1. def. 12.* & proinde Harpr. *d. Nupt. n. 14.* imprudentiæ iniquè Aristotelem insimulat: nobis tamen plaris est Justinianus, legislatoria autoritate pollens. Quibus conveniens est, quæ habet Tertullianus Juris Romani peritissimus *in disp. de virginib. veland.* interpretans Apostolum de mulieribus *I. Corinth. II. v. 6.* ubi dicit: Non expectandum dum virum passæ sunt, neque verò statim ubi natæ sunt, dici mulieres, sed ex quo se intelligere cœperunt, & censum naturæ suæ intrare. Grot. *in flor. spars. ad Jus Justinian.* Ad quam ætatem verò matrimonia licita sunt, jure definitum non est, hoc certum, quod non solùm generatio prolis, sed etiam humanitatis solatium conjugii finis sit, per text. *in c. nupiarum. Caus. 27. q. 1* id quod movit D. Chrysostomum *in Orat. 3. ad uxorem* ut non tantùm lecti consortem, verum etiam consilij & operum totius vitæ cooperatricem vocitârit, & hinc  
sexa





sexagenarius cum juvencula matrimonium inire non prohibetur, cum D. Carpzov. sic statuente Dn. Struv. *Syntagm. Iur. Civil. Exerc. 29. th. 27.* exemplum præbente, Rege Davide, qui senio effæctus consilio, procerum puellam Abisag uxorem duxit *1. Reg. 1.*

#### X I V.

Spectavimus hætenus in ducenda genus, mores, animi ac corporis dotes, sed cum fortunæ bona vitam quoque afficiant & reddant beatiorem, cætera si augeat dos ampla, conjugium erit exoptatus. Circa dotem autem nec omnium populorum, nec omnium hominum eadem mens vel idem iudicium. Quidam uti nihil magnificiunt, nisi divitias, ita an ducenda è radice pullularit eximiâ an virtutibus fulgeat, an formæ decus ejus amoré provocet, plurimi pensî non habent, modo arca rerum gerendarum nervum possideat ponderosum, scilicet illis

Et genus & formam regina pecunia donat, & haud dubiè verum est illud Plauti quod habetur *in Persa act. 3. sc. 1.*

Tace stulta, nam tu nunc hominum mores vides  
Quojusmodi? Hic cum mala fide faciliè nubitur.  
Dum dos sit, nullum vitium vitio vertitur.

Quo facit illud Ovidii *2. de remed. amor.*

Cui nemo est Hecalem, nulla est quæ ceperit  
Irum,

Nempe quod alter egens, altera pauper erat. Contra fuerunt, qui dotium luxuriam suis legibus cocruerunt, ita Massilienses centum aureorum amplissimam dotem esse voluerunt. De Indorum nuptiis scribit Arrianus: Nubunt, nihil nec dantes, nec accipientes, sed quotquot jam viro maturæ factæ fuerint, adducuntur

à pa-



à parentibus in publicum, ut is qui pugillatu aut alia quapiam virtute antecelluerit, eam sibi, quam volet; eligat. Similiter de Spartanis *Ælianus lib. 6. Variar. histor. c. 6.* perhibet, illis fuisse legem, ut matrimonia nulla intercedente dote contraherentur. Et apud Guevarr. *lib. 2. herol. Princ. 19.* M. Aurelius Cæsar loquitur: Ego Romæ vidi, qui si bis mille in censu domi habebant, plus quam ter mille stultitias in capite circumferebant, semper audivit maritus illud Plauti in *Aulul. act. 3. sc. 5.*

Equidem dotem ad te attuli

Majorem multò, quam tibi erat pecunia,  
Ideo mihi æquum est purpuram atque aurum dari,  
Ancillas, mulos, muliones, pedisse quas.

Et verissimè ait Satyricus:

Libertas emitur, veniunt à dote sagittæ,  
Intolerabilius nihil est, quàm fœmina dives.

Conveniunt quæ habet Syracid. *c. 25. v. 30.* juxta versionem Lutheri, wo das Weib den Mann reich machet und ernehret / da ist immer Hader und Verachtung. Nec hinc abhorrent quæ habet Petrarcha *lib. 1. de remed. uiriusque fortun. dial. 64.* ubi ait: Dos & forma superbie conjugalis sunt stimuli, & ubi dos ingreditur magna, ibi libertas egreditur, quod si cara fuisset, ullo pretio vendita non fuisset. Uti hi dotium abusu moti illas quasi proscriptum eunt, ita illi nimia divitiarum siti impediti quid solidè utile non gustant; proinde mediâ viâ incedere oportet, quæ hæc est, ut dotem reliquis postponamus, si autem illis junctâ simul poterimus potiri, illam non fastidiamus. Incrementa dotis felicissimè senserunt plurimi, imò & familiæ Serenissimæ cum suorum posterorum gloria & honore expertæ sunt fru-



etum provinciarum, nuptiarum glutine conjunctarum, inter quas Austria & Belgium præcipuè eminent, unde aptissimè Ictus in l. 9. §. *si quis indebitum ff. de condict. caus. dat.* inquit : Maritus suum negotium gerit, cum de dote sibi cavet, & decipiendus non est, quod fit, cum uxorem indotatam habere cogitur ; Et Legislatore s Romani magna cura egerunt, ne mulieres essent indotatæ. Nec jus Canonicum abhorret, quippe quod sponsas legibus dotari voluit *c. 1. caus. 30. q. 5.* & nullum sine dote fieri conjugium, sed juxta possibilitatem fieri dotem, nec quemquam sine publicis nuptiis nubere vel uxorem ducere debere, sanxit Concilium Arelatense *c. 6. caus. 30. q. 5.* Non abimus hinc inquisitum, An æqualitas dotis & donationis propter nuptias esse debeat ? Eandem exigit Plato, & imitatus eum fuit Justinianus in *Auth. AEqualitas C. de pact. conv. tam sup. dot.* & *Auth. Dos data C. de donat. ant. nupt.* quibus juribus tamen per contrarium usum derogatur.

# X V.

**H**Actenus sollicitos nos habuit matrimonium ineundum, non minor autem cura esse debet circa illud jam initum, ut nimirum caveatur, ne ille fervor, quo nuptiarum Candidati æstuarè solent, in teporem, imò in frigus abeat. Ad fovendum autem illum amorem, imò magis excitandum, faciet mutui obsequii studium, certamen in reciproca veneratione, & præstatione illorum, quæ lectus conjugalis desiderat. Non enim putamus illa castitatem à quocunque desideratam expellere, uti quidam nuptiarum otores contendere non sunt veriti ; Quod Apostolus permittit, & à quo Conjuges non vult abstinere, illud sanè non pugnat cum Castitate, non cum honestate : At Paulus in *Epist. 1. ad Corinth. 7. v. 3. & seqq.*



*seqq.* non vult, ut conjux conjugii copiam corporis sui intercipiat. Inde sequitur, conjugem conjugii corporis sui copiam facientem, non facere quod offendant honestatem. Si inter conjuges ita conveniat, non improbamus illud, sed laudem debitam paciscentibus tribuimus, modò familię propagandę eos defuisse accusari non possint, cum Deus conjugium voluerit esse medium, quo genus humanum multiplicetur: Si conjuges non studio evitandi impedimēta à vitę sanctitate avocantia, sed aliis ex causis consuetudinem conjugalem deseruerint, vix est ut illorum glorię & laudi aliquid non decedat. Inter illos, qui conjuges ex mutuo consensu à consuetudine conjugali abstinuere, Principes extiterunt Martianus Imperator & Pulcheria Augusta. Mortuo enim Theodosio fratre, Pulcheria se & Imperiũ ea lege & conditione Martino promisit, ut præstito Juramento polliceretur, se futurum ejus virginitatis Custodem; Martianus cum imperio accipit conjugem virgine n, & fidem & virginitatem illi quoad vixit, sanctissimè servans; ratio quę Pulcheriam movit ad eam petendam erat, quia ante nuptias votum perpetuę virginitatis edidisset, Sozomen. *lib. 9. Ecclesiast. histor.* Et Evagrio *lib. 2. c. 1.* Memoratu dignum videtur, quod Gregorius Turonensis, qui vixit Seculo VI. *de gloria confessorum c. 32.* tradit, Par conjugum fuisse, qui in virginitatem consenserint & castissimè vixerint, defuncta Conjuge Maritus in exequiis tumulum accessit, dicens: Gratias tibi, O Deus, ago, quod uxorem tibi virginem modo restitui: Cui uxor è tumulo subridens respondit, Sile vir Dei, sile, cur nemine interrogante arcana nostra prodis; sed hoc forsan Gregorius ex simplicitate ita retulit. Porro Historici Henricum Secundum & Kunigundem mirificè commendant,



quod post contractas nuptias juratum pactum inierint, se quidem unâ victuros, sed nunquam nec alteri nec sibi invicem concubituros, quod pactum sanctè & mirabiliter servarunt. Suspecta aliquando Kunigunde de violato nuptiarum fœdere, in solemni Principum conventu, septem vomeres candentes sine ulla manuum latione & noxa Cæsari apportavit, innocentiam miraculo professâ; Vid. Aventinus *lib. 4. annal. Bojorum* & Alberti Crantzii *histor. Saxon.* Ex Octavo Seculo referri potest Edeldreda, quæ bis nupta, in utroque matrimonio virgo perstitit, primus enim maritus ob malam valetudinem statim à nuptiis vita excessit, posterior Egfredus, audiens in thalamo sponsam Christo virginitatem suam consecrâsse, cum ea congredi noluit, nec diu post, marito consentiēte, Edeldreda in monasterium secessit. Polydor. *lib. 4. histor. Anglicar.* Vid Grot. *ad Epist. 1. ad Corinth. 7. v. 5.* ubi ponit, ex consensu semper posse abstineri, quantum jus conjugum attinet, volenti enim non fit injuria, & eam continentiam sibi indixisse Christianos nonnullos ex Salviano refert. Æterno encomio digna est Elisabetha Gonzaga Mantuana, Urbini Ducissa, de qua Petrus Bembus *libro singulari* & ex illo Salmuth *in Respons. Pro Matrimon. Princip. cum virg. nob. p. 71* ita scribit, Daß / obwohl ihr Herr und Gemahl / Guido Ubaldus Herzog zu Urbin / entweder von Natur / oder durch Zauberey zu den Ehlichen Wercken untüchtig gewesen / Sie es doch so geheim gehalten habe / daß es kein Mensch habe erfahren können / und die Untertthanen / die gerne einen Erben von ihr gehabt hettten / Ihr die Schuld der Unfruchtbarkeit gegeben. Und da nach verfließung zwey ganzer Jahr der Junge Herzog seiner Gemahlin solche seine Unvermögligkeit offenbahrte / Seine und Ihre  
Uns



Unglückseligkeit beklagte/ tröstete Ihn diese löbliche junge Fürstin und sagte mit fröhlichem Gemüht/ Er solte dieses Unglück gedültig erleiden/ und gedenden/ es seien Vorzeiten viel Könige gewesen und seien davon noch/ die keine Kinder gehabt/ es sey bisweilen besser keine Kinder haben/ weilen offte von frommen Eltern böse und gottlose Kinder gebohren werden. Was sie anbelange/ sol Er sich nicht bekümmern/ Ihre Liebe solle gegen Ihn deswegen nicht gemindert werden: Wie Sie Ihre Jungfräuschaft zu Ihm gebracht/ also wolte Sie dieselbe bis auff Ihr Ende auch erhalten/ und keinem Menschen auch Ihrer Amme die Sache nicht offenbahren. Haben also diese beide Fürstl. Persohnen in Lieb und Einigkeit über die vierzechen Jahr dergestalt beyammen gewohnet. Und were auch die Sache nicht offenbahret worden/ wenn nicht der Herzog selbst solche dem König in Fränckreich offenbahret hette/ als Er zu Ihm um Hülffe wider den Czaarem Borgia, der Ihn auß seinem Fürstenthum vertrieben/ sich nach her Meyland begeben hätte. Hactenus Bembus:

## X V I.

**N**ON solum autem ad pacem concordiamque conjugalem conservandam facit præstatio debiti naturalis, sed insuper maritus uxorem alere tenetur, incongruens enim & contra naturam est, ut uxor maritum alat, per *l. si stipulata 33. §. 1. ff. de donat. inter vir. & uxor.* nisi maritus in ops, uxor econtra dives sit. *Surd. de aliment. Tit. 1. Quæst. 35. num. 6.* Fundatur autem hæc obligatio non in dote, uti nonnulli existimant, sed quia uxor inservit oneribus matrimonij, & est in obsequio mariti, Abbas *lib. 2. Conf. 39. num. 4.* In ipsa recta ratione fundamentum habet hæc propositio, quod quis illi teneatur præstare alimenta, cujus opera quis utitur,





& indecorum sit marito, si uxor fame pereat. *Surd. tract. de aliment. tit. 1. q. 32. num. 11.* quod obtinet siue uxor dotem attulerit, siue non, cum maritus sibi imputare debeat, quod sine dote uxorem duxerit *l. Nuptias 32. de R. l. l. quod si nulla 28. de Relig. & sumpt. funer.* Guid. Pap. *decis. 439. num. 1.* qui ita iudicio contradictorio practicum refert. Late *Surd. d. tit. 1. q. 32. num. 11. & tit. 7. q. 19. num. 1.* Vide Consil. elegans Romani 517. per totum, Gail. *lib. 2. Obs. 87. num. 1.* Sed quid, si dos ab uxore vel ejus patre sit promissa, sed non soluta, ut sæpe prohdolor parentes ex mera ostentatione amplam dotem promittunt, quam vix solvere possunt, & semen discordiæ præbent, An à marito uxori alimenta sint præstanda? quod multi insignes Jcti negant, Gail. *lib. 2. Obs. 87. n. 2.* Nicol. Boer. *decis. 22. num. 3.* Guid. Pap. *decis. 439. num. 1.* Capella Tholosan. *q. 87. n. 3.* quod approbatum à Rota Romana, uti videre est apud Achill. de Grassi. *decis. 13.* & apud Farinac. 2. *Volum. decis. 907. num. 3.* eadem Rota Romana *decis. 470. in Recollect.* *Surd. d. aliment. tit. 7. q. 17. num. 2.* ubi ex Saliceto dicit, quod uxor dicatur esse extra domum culpâ propria, quando non solvit dotem, Sanchez. *de Matrim. lib. 9. de debit. Conjug. disp. 5. num. 2. & num. 11.* Crescentius *decis. 8. d. jud.* qui citra onus alimentationis pro marito in Rota Romana declaratum commemorat. Verùm enim vero, hæc sententia, quod salvâ auctoritate illorum præclarorum virorum dictum esto, plena rigoris & vix solidatione niti videtur. Quæ enim societas vel obligatio non fluit ex solutione dotis, sed præsupposito tractu conjugali ex ipsa lege naturali & jure divino, illa ob dotem promissam & non solutam non dissolvitur. Atqui Obligatio alimentorum non fluit &c. Ergo.

Di-





Didac. Covarr. *in epitom. ad Decretal. 2. p. cap. 7. num.*  
*2. ubi signanter ad cap. per vestras. de donat. int. Vir.*  
*& Uxor.* post eum Andr. Fach. *in Controvers. jur. lib.*  
*3. c. 48.* respondet, quod ibi Pontifex non statuatur, u-  
xorem ob dotem non solutam expelli posse, sed peti-  
culum esse, ne vir illam de facto expellat, quæ etiam  
mens videtur Imp. *in l. ult. C. ad SCtum Vellejan.* Ofasci.  
*decis. 132. num. 18.* & alij citati à Sanchez. *d. disp. s. n. 17.*  
qui alia argumenta satis firmiter concludentia adducit.  
Nec hanc rationem subjungimus, quod maritus alia re-  
media juris, per quæ ab uxore vel illius patre solutio-  
nem extorquere potest, habeat, & per consequens hoc  
remedium expulsionis non concedendum. Illud extra  
dubitationis aleam positum videtur, quod lite penden-  
te, An dos constituta sit soluta, nec ne, mulier sit alenda,  
Anton. Faber *in suo Cod. l. b. 5. tit. 3. d. rei Uxor. action.* &  
est elegans decisio Senatus Neapolitani apud Afflict.  
*10.* ubi mulier seorsum habitans à viro aliena petiit,  
cui oppositum, quod illi dos erat restituta, illa verò nega-  
bat restitutionem, & fuit pronunciatum, interim ali-  
menta esse præstanda; vide sis latè Alexand. Trentaciq  
*var. resol. lib. 1. tit. d. aliment. Resol. 1. num. 37.* idem  
obtinet, si lis pender super validitate matrimonij,  
Vel si Uxor maritum accusat: Capell. Tholosan.  
*quæst. 88.* Surd. *d. aliment. tit. 4. q. 22. n. 28.* Sanchez. *d.*  
*Matrim. lib. 10. de divorcio disp. 8. num. 28. in fin.* & ita in  
Senatu decisum refert Ludovic. à Peguer. *decis. 20.* Vel  
Uxor adulterij accusatur. Alvar. Valatci *consultat. 1.*  
Costa *de remed. subsidiar. remed. 100. num. 12.* Sanchez.  
*d. disp. 8. num. 28.* Item, quando mulier ex capite sivi-  
tutis ex ædibus mariti exit, & ad thori separationem agi-  
tur, Rota Romana apud Farinac. *Decis. 127. & 250. in*  
*3. Vol.*

3. Vol. decif. An vero mulieri ſcôrſim habitanti à marito debeantur alimenta? De eo agit Alexand. Trentacinq. Var. reſol. lib. 1. tit. d. aliment. reſol. 1. n. 31. Sanchez. d. matrim. lib. 9. diſp. 4. n. 19. Generaliter dici poteſt, quod, quoties mulier cum viro litigat, alimenta debeant illi ſubminiſtrari, Trentacinq. d. reſol. 1. n. 37. Cephal. lib. 1. Conſil. 127. Melinenſ. decif. 16. n. 44. Hæc verò alimenta peti poſſunt etiam à iudice ſeculari, in terminis Afflict. decif. 152. per tot. & ibi Urſill. Surd. d. aliment. tit. 8. privileg. 10. n. 5. & depender à iudicis arbitrio judicare, quantum pro alimentis dari debeat, quod declârat Maggon. decif. Luccenſ. 73. n. 21. decifio Rotæ Romanæ apud Farinac. in ult. Volum. decif. 470. n. 7. Sanchez, d. Matrim. lib. 9. de debito conjugali Diſp. 4. n. 27. Alimenta verò à iudice taxata, prout crevit inopia & neceſſitas, augeri & minui debent. Decifio Rotæ Romanæ 431. apud Proſp. Farinac. in 2. tom. decif. quæ eſt Cardinalis Manticæ impreſſa in ſuo Volumine Decifionum decif. 331. Hæc autem alimentorum præſtatio non ſolum cibaria includit; ſed eo nomine comprehenduntur omnia, quæ ad ſuſtentandam vitam ſunt neceſſaria, ut veſtitio, habitatio, lectus & alia per l. 6. ff. de Aliment. vel cibarij leg. Speidel. in diſt. notab. verb. Unterhaltung. n. 29. Honèſtè itaque maritus uxorem veſtiat, ne ipſi ſit dedecori c. omnino Diſt. 31. non verò ad arrogantiam & ſuperbiam uſque; & certè, ſi maritus ita mulierofus ſit, ut velit veſtibus ab uxore petitis continuò aſſentiri, nunquam expenſæ finem accipient; verum enim eſt illud Plauti :

Negotii quî ſibi volet vim parare, navem & mulierem hæc duo ſibi

Comparato, nam nullæ res duæ plus negotii habent,

Eas



Eas fortè si occeperis exornare, neque unquam  
hæ duæ res satis ornantur,

Neque ejus ulla ornandi satietas est.

Confer Tholof. Syntagm. Jur. lib. 9. c. 19. per tot. Ad alimenta spectat, ut maritus uxori ægrotanti medicos adhibeat, ita, ut si hoc uxori deneger, lucrum ac fructus dotis amittat. Alexand. conf. 41. n. 7. post pr. lib 7. Anton. Bullæus in decad. singul. Conf. 1. in resol. q. 9. & 10. Et hæc de altero mariti officio dixisse sufficiant.

## X V II.

**O**Rdo jam suadet, ut ad defensionem uxoris, quæ ex imperio maritali & jure naturali fluit & originem habet, progrediamur. Rectè itaque maritus est legitimus defensor suæ uxoris, per quam injuriâ illi fieri intelligitur, & ideò non tantum uxor, si sui juris est, injuriam sibi factam exequi potest, sed etiam maritus suo nomine agere, tanquam per latus uxoris sibi quoque injuria simul sit illata. l. 1. §. ult. l. non solum 11. §. quanquam 7. l. 18. §. 2. ff. de injur. quod & in sponso & sponsa receptum est. l. 15. §. 24. ff. eod. E contra verò, si viro sit facta injuria, uxor non agit. l. 2. ff. eod. quia uxores virorum, non contra viri uxorum dignitatem participant. l. 8. ff. de senat & qui uxoris dignitatem violat, simul mariti dignitatem quæ in ea inest, violare intelligitur; non contra. Paul. ad Ephes. c. 5. v. 23. si verò injuria marito facta ad contumeliam uxoris quoque directò tendat, ut si quis maritum appellet lenonem uxoris suæ, cornutum cimen Hahneuren / eo casu etiam uxori actionem competere statuunt interpretes. Harpr. ad §. 2. Inst. de Injur. n. 38. Schneid. ibid. n. 14. Hoc argumento, quod marito defensio honoris incumbat, mota Casaris



Octaviani uxor, cum instigante & impellente matre Imperatoris, ideo quod gemellos pepererat, adeoque quod fidem conjugalem non servaverit, suspecta ad ignem deduci deberet, hæc verba protulit: Ach weiser König und frommer Herr/ Ihr wisset/ da Ihr Mich zur Ehe begähret gehabt und genemmen / daß Ihr mir verheissen und dazu einen teuren Eid geschworen / mein Leib und Leben zu beschirmen so wol als das Eure nach aller Möglichkeit &c. Michael Haveman in *Gamolog. Lib. 11. tit. 10.* Licet verò uxoris non sit defendere maritum, in criminalibus tamen, quando de vita mariti agitur, uxor intercedere potest. Cypc *decis. Neapol. 143.* quæ est sententia Speculator. *tit. de Procuratorib. §. ratione igitur. n. 1. per l. 3. ff. de liberal. caus.* qui textus etsi loquatur de uxore maritum ex servitute in libertatem vindicare volente, ex identitate tamen rationis rectè extenditur ad mulierem, quæ ex carcere virum liberare intendit, & in terminis, quod mulier pro marito incarcerato intervenire, agere, cum defendere atque etiam veluti domina litis procuratorem constituere possit, decisum est Rota Romana *decis. 16. aliàs 203. de procurat.* cujus decisionis hæc afferuntur rationes: quia uxor est conjuncta persona, quæ potest sine mandato agere. 2. quia incarceratio injusta mariti pertinet ad injuriam uxoris, cui maritus subtrahitur *l. si cum dotem 23. §. 7. ff. solut. matrim.* ubi ait Jctus. nihil tam humanum esse quam fortuitis casibus mulieris maritum, vel uxorem viri participem esse. Wesenb. *part. 1. cons. 43. n. 142. & seqq.*

#### X V I I I.

**T**unc verò concordia inter conjuges maximè viget, quando maritus imperium quod habet cum modamine & temperamento in uxorem exercet. Qua de causa



causa Veteres olim in nuptiis Mercurium juxta Venerem collocârunt, ut ostenderent, matrimonii jucunditatem maximè ratione indigere, itemque Suadam & Grantias, ut docerent, conjuges invicem, quæ vellent impetrare debere suadendo, non pugnando: maritus enim patienter uxorem ferendo seipsum meliorem reddit. Prudenter Salomon honestam uxorem comparat Cervæ *Prov. c. 5. v. 19.* cum loquitur, Freue dich des Weibes deiner Jugend/ sie ist lieblich wie eine Hinde/ und holdselig wie ein Reh/ lasse dich Ihre Lieb allzeit sättigen/ und ergesse dich allzeit in Ihrer Liebe. D. Luther in *gloss. ad d. v. 19.* sagt/ diß sey so viel geredt/ als bleibe bei deinem Weibe und halte dein Gut daß du es nicht umbringest mit Huren/ dann kein lieblicher Wesen auff Erden ist / als wo sich Mann und Weib freundlich zusammen halten. Notent hoc morosi illi mariti, qui statim, si forsan à muliercula quid erratum fuerit, aut etiam sine causa more canino latrant, flagrantes & minaces oculo: habent, labia quatunt, dentes comprimunt, & ad verbera descendendum putant. Omnia prius verbis sapientem quam pugnis experiri oportet. Si verò mulier sit tam procax ac malitiosa, ut nil proficiant monitiones mariti & cognatorum, cognitionem sibiumat Magistratus aut loci illius consistorium litibus connubialibus in plerisque Rebus publ. decidendis adornatum, uti olim in sacello Deæ Viri placæ redigebantur ad concordiam, testante Valer. *Max. lib. 2. c. 1.*

# X I X.

**V**iri autem in uxore imperium humano generi cœvum est. Habet id juris vir & naturæ privilegio & Dei

Dei decreto. Utrumque sacra commonstrat pagina. Et illud quidem rationibus seu argumentis adstructum tribus. Primo ducto à Creationis ordine: Vir primò creatus est; deinde mulier, eminentioris in viro dignitatis signum indubium: altero à sexus muliebris in firmitate, mulier enim, (inquit Apost. *1. Timoth. 2. v. 13. 14.*) decepta est, non vir, intellige à serpente, qui præterito viro adortus est mulierem. Postremo tracto à fine argumento, in quo mulierem Deus finxit, ut viro cederet in opem laborumque adiutorium. Æquum verò est, ut imbecillius pareat valentiori, minus illustre eminentiori, pars adiutrix ei, cui operam præstare addicta est. Ne dicam, quod naturá major sit viri ad res gerendas aptitudo. Annon cernimus, inquit Cicero *de Republ. 3.* optimo cuique dominatum à natura cum summa utilitate in infirmiore dati. Turpis itaque ac miseranda esset maritalis majestatis diminutio, ut vir serviat qui caput est, nisi cesserit illi matrimonium in servitutem pœnæ, quæ solet inferre capitis diminutionem. De sexu verò in universum loquimur, non de singulis mulierum; non paucas enim reperies, quæ altum stertentibus maritis summa cum sagacitate quæstuosa negotia tractant. Habet itaq; maritalis potestas à natura ortum, adeoque auctorem naturæ opificem Deum sed & expresso Dei enunciato illa potestas constabitur, quod alterum ejus est argumentum. Mulier enim serpentis illecebris capta, fraudem cum fecisset conditoris sanctioni, pertracto in consortium peccati viro, dedit & hanc admissi pœnam, ut viri in se imperium instar jugi cujusdam humeris impositi ferre damnas fuerit, vibrato in eam decretorio hoc telo: Penes virum erit desiderium tuum, & ipse dominabitur tibi. Non quod lapsu





psu anterior non fuerit hæc potestas, obtinuisse enim jam ante in ipso primævo innocentia statu adductæ ab Apostolo rationes evincunt; sed quod ea quæ ab initio naturalis fuit, adeoque ipsi mulieri suavis, infecta peccati labe, effecta fuerit pœnalis, & proinde gravis non nihil & perperfu aspera, adeò ut rectè dici possit, tam natam quam datam legem esse, ut vir imperet, velut hoc Dei voce datum est: Dominetur uxori.

## X X.

Quousque verò se protendat viri in castiganda uxore potestas, ad quæ obsequia sibi præstāda vir jus habeat compellendæ uxoris, obvia est tractatio in Politicorum & æconomicorum libris, quorum frugem demetere nostrum non est propositum, quanquam, ut nunc sunt mores, frustra erimus, si jus & Majestatem virorum asserere institueremus, quam illi quæ publicè qua privatim obtineri passim & calcari sinunt. Honos quidē habendus, dictante sacra Pagina, mulieri tanquam vasculo infirmiori, ne scilicet conculcetur à viro, sicut honos habetur crySTALLINIS vasis, quæ sollicitè tractantur; nec enim plagæ conducunt sterilibus ad fœcunditatem, gravidis ad faciliorem partum, ut persuasere sibi Romanæ illæ mulieres discursantes in Lupercalibus, de quibus Plutarch. *in Cesare*. Nec illis assentimur, qui propterea commam mulieribus relinqui dicunt, ut habeant mariti quo eas trahere possint & ligare, ut voluit par illud Jctorum citatum ab Arniseo *d. Iure Connub. c. ult. sect. 1. n. 4.* cum multò aliter tractandæ videantur fœmellæ; & contumeliosum sit uxorem verberare, sævit iamque aliam adversus ipsam exercere, Glossa & Pano rmit. *in c. quemadmodum X. de Iurejurand.* Carpz. *Iurisprud. Consist. lib. 2. tit. 2. def. 221.* Væ thalamo illi, qui maritum verbera infe-





rentem videt, & plagas illatas cum planctu querentem audit! Morigera & obsequiosa esto uxor, non tamen serva, nec servili modo tractanda: Caveat iracundiam, sed ejus sævitiam non sentiat, ipsius imperium lubens agnoscat, sed agnoscere non cogatur, omnia quæ uxoris sunt, ultro exequatur, & tunc nullus sensus imperii, nulla vis subjectionis voluntariæ. Quid verò, si pudoris & sexus oblita mulier imperium in maritum sibi tabulis antenuptialibus adscripserit, adeòq; turbato naturæ & Dei ordine pecegerit, ut ipsa non in viri, sed è contra vir in sua potestate foret, vel quod minus videtur, ne saltem viro sit subdita, aut ejus in se caput cogatur agnoscere: Bodin. *de Republ. l. 1. c. 3. in fine* nō dubitat eo modo in cōtrahendis nuptiis uxores aliquando stipulari cōsuevisse, & benè affirmat pugnare talia pacta cum legibus divinis & humanis, cumque honestate, adeòq; non ferenda, ut maximè jurejurando fuerint corroborata. Et profectò si jure nostro Civili pactio reprobat, ne inter conjuges judicium de moribus locum habeat *l. 5. ff. de pact. dos.* si pactum inefficax sit, quod vult, filium suum non esse, *l. jus agnat. ff. de pact.* quomodo illa pactio sustineatur, quæ bonos mores plane pervertit, qua cavetur, ut ea quæ nubit viro non sit viro subdita, vel ut qui dominus est, non sit dominus. Juris naturæ præceptum est, uxores potestati maritorum subjæctæ sunt. Itaque pactum, ne viris subdita sint, tanquam juris illius everriculum, nullius momenti est. Lex civilis nihil in universum potest præcipere, quod jus naturale prohibet, aut prohibere quod præcipit.

#### X X I.

**R**Ecè Aristoteles *lib. 8. Ethic. c. 10. & 11.* imperium Regium attribuit Patri in liberos, Aristocraticum marito



marito in uxorem. Et bene scribit Publitius, quod uxor non sit sub potestate viri, sed potius sub ejus o' sequio, sic enim per conjugium uxor fit socia. *l. 1. ff. de Rit. Nupt. l. 4. C. de crim. expil. hered.* quæ societas ( ut Cassius & Nerva loquuntur in *l. 1. ff. de act. rer. amot.* ) quodammodo eam dominam efficit & licet uxor sit sub marito, tamen maritus eam sibi subesse neget, hinc maritus apud Scævola. uxorem suam in Testamento dominam vocat *l. 41. pr. ibi*; Peto à te domina uxor *ff. de legat. 3.* Et uxor in *l. Titia 19. §. 1. ff. de ann. legat.* Domina sanctissima appellatur. Quemadmodum etiam illa uxoris subjectio non operatur, ut maritus in uxorem dominium vel Jurisdictionem exercere possit. Nicol. Bersius *de Pact. famil. Illust. c. 8.* quod multo magis obtinet in uxore Illustri. i.e. Principis vel Comitis, quia Principis Imperii uxor non minus est Imperio Germanico immediatè subjecta, quam ipse Princeps maritus, & sic maritus Princeps in causa uxoris Illustris Iudicem competentem vel aliam Imperatoriam, vel Cameram Imperialem, vel austregas, secundum qualitatem causæ adire debet. Ac multorum judicio vapulat Saxonix Princeps Johannes Casimirus, quod in causa uxoris suæ propriam Jurisdictionem exercere maluerit. Arnif. *d. Connub. cap. 7. sect. 5.* Renat. Chopp. *de doman. lib. 3. tit. 5. n. 5.* Quod si itaque Princeps aut Comes Imperii uxorem suam durius quam par est corrigat, Sacra Cæsarea Majestas ad partis instantiam auctoritatem suam interponat, uti Ferdinand. III. in causa Georgii Johannis Comitis Palatini & uxoris Susannæ Anno 1641. commissio- nem ad cognitionem & reconciliationem decrevit. Ex his quæ supra de uxore Illustri diximus, colligi potest, quod uxor Imperii Illustris non ligetur statutis à Princi-  
pe ma-



pe marito promulgatis. Jacob Menoch. *conf.* 264. n. 28. & 55. lib. 3. Joach. Wibel *de contract. mulier. c. 2. §. 4. n. 50. & seqq.* Dissent. Albert-Brunn. tract. *stantib. mascul. fæminas non succed. art. 6. n. 67.* Hæ verò uxores illustres non in omnibus eodem jure, quo uxores privatæ utuntur. Non enim vivunt in communione bonorum cum Principe marito, nec de bonis constante matrimonio marito à Principe acquisitis quicquam ad illas devolvitur, sed post mortem mariti dotalitio constituto contentæ vivere coguntur. Benè Renat. Chopp. scribit: Connubiale istud honorum & dignitatis consortium, non inducit fortunarum consortium, Vix est enim, ut Rex, Curator Reipublicæ ac Mysticus adeò conjux alteri acquirat, ex fiscali præsertim Ærario, nihilo magis quam res fisci administrans qui publico ære fundum mercatus est. *l. Curator. C. arbitr. Insul. c. requirendum X. de pecul. clericor.* Veluti de Ducum Ferrariæ uxoribus deducit Roland. à Valle *d. lucro dotis q. 83. 84.* Chopp. *de domin. Princip. lib. 3. tit. 5. n. 6.* Porro, licet lege positiva Romanorum mulieres fidej. jubendo obligari non possint, *l. 3. ff. de Fidei.* ne ob sexus fragilitatem damnum rei familiaris sentiant. *l. 1. ff. ad SCum Vellei.* Hering, *de Fidejussorib. c. 7. n. 3.* hoc tamen fallit in fœminis Illustribus, quæ ad regiminis clavum sedentes præsumptioni impudentiæ aut imbecillis judicii locum non relinquunt, ideoque si fidem pro aliis interponat, non aliter ac mariti tenentur. Sic in Imperio Romano Abbatisæ aut Viduæ tutelam nomine filiorum Illustrium gerentes jus dicunt, commissiones exercent, Arbitri officium suscipiunt, laudum proferunt, aliaque virilia officia exercent, & sic absque dubio efficaciter fidej. bere possunt; ita in terminis com-  
mis-



missionis Rulant de Commiss. p. 1. lib. 1, c. 29. n. 6. & in  
causa fidejussionis Hering. d. tract. c. 7. n. 512. & seqq.

X X I.

INsigne est vinculum stabilendæ pacis inter conjuges,  
si maritus rem familiarem probè curet, facultates suas  
augeat, & ad familiæ bonum dirigat. Hæc est pruden-  
tia œconomica, quam passim commendant sacræ literæ,  
Proverb. 24. v. 3. quæ ædificet domum & divitias pa-  
ret. Eccles. 9. v. 18. melior sit, quàm fortitudo. Aristot.  
2. polit. 8. hujus duas partes facit, nempe *χευματιστικήν*,  
id est, quæsitariam & *κτητικήν*, artem possidendi & con-  
servandi. Idem 1. œcon. 1. & 1. Eth. 1. Domesticæ ratio-  
nis enim est, ut domus paretur & usurpetur. Senec.  
Epist. 101. scientiam quærendi & custodiendi vocat, Et  
lib. 2. de benefic. 34. alteram partem, scientiam re fami-  
liari moderatè utendi. Prudentiam hanc œconomicam  
præ muliere scire & in usum deducere debet maritus. Ita  
Cato Censorius dicebat, non viri sed mulieris viduæ esse  
aliquid de fortunis diminuere. Insignem autem virum  
appellavit illum, qui in rebus patrimonii plus relinquat,  
quàm quod adjecerit. Plut. in ejus vit. hoc est, qui ita  
rationes suas instituit, ut multū acquirat, parum expen-  
dat, nihil amittat, quem brevi locupletem fore non  
est dubium. Ad obtinendum illum finem duo requi-  
runtur; *Fortuna* & *Industria*, quæ & sunt conjuncta, in-  
crementum patrimonii annexum habent, & brevi te ni-  
pore opes cumulantur, sicuti Jacobo Patriarchæ contig-  
it, Gen. 30. v. 30. etiam Ethnicis consentientibus, qui  
virtuti fortunam conjungi volunt, sicut de Cyro testatur  
Xenophon in OEcon. cap. 8. Huc pertinet symbolum:  
VIRTUTE DUCÈ, COMITE FORTUNA,  
sive, ut Jason portæ suæ inscripsit VIRTUTI FORTU-



NA COMES. Exempla piorum in sacris extant, quæ prospera fortuna uhi sunt, *Eccles. 1. v. 20. Psalm. 1. v. 3. Gen. 24. v. 35. & 39. v. 3.* Quod si præter spem & opinionem nobis aliquid prosperi contingat, ad Deum erit recurrendum, utpote fontem & largitorem omnis boni: *Syrac. 11. v. 14. & 23. & c. 33. v. 17.* cujus benedictio sic ut flumen irrigat terram. *Syrac. 40. v. 27. Psalm. 65. v. 10.* Hæc divina benedictio est causa humanæ felicitatis, & divites facit sine afflictione, *Prov. 10. v. 12.* Luther. *ad Eccles. 3. in fin.* Laß dich heute begnügen/ Morgen kommt auch Tag und Nacht/ an Gottes Segen ist alles gelegen. Et Deus sine labore aliquem locupletare potest juxta illud Davidis. *Psalm. 127. v. 3.* Seinen Freunden gibt Er schlaffend. In hoc statu Oeconomico tanquam in Academia vitæ humanæ conjuges ad pietatem exercentur, de quo Stigel. Poëta, quem refert Ern. Cothman. 2. *conf. 78. n. 114.*

*Conjugium humane quedam est Academia vitæ,  
In quo nemo satis se didicisse putet.*

Hoc est Gymnasium quoddam virtutis, γυμνάσιον, dulce-amarum.

## X X I I.

ET hæc de iis quæ marito competunt dixisse sufficiant, jam paucis videbimus, qualem se uxor præbere debeat. Nempe consistit ejus officium 1. In præstatione debiti naturalis. 2. In honoris ac obedientiæ exhibitione, & 3. In Communione domicilii. Primum, præstationem scilicet debiti naturalis, quod attinet, de eo ita loquitur Ulpianus in *l. 14. §. 1. ff. de AEdil. edict.* Maximum ac præcipuum munus foeminarum est, concipere ac tueri conceptum. Cui consona traduntur à Justiniano in *l. 2. §. 1. C. de Ind. vid. toll.* & L.



*de L. misc. tollend.* ubi dicit: quod mulieres ad hoc natura procreatae sint, ut partus edant; & addit Imperator, maximam mulieribus cupiditatem in hoc constitutam esse. Diximus autem officii mulieris esse, non tantum concipere, sed & tueri conceptum. Unde quaecumque tui-  
rioni isti sunt contraria, illa summo studio vitare ac evitare debet foemina, qualia sunt, abortui causam dare, sive per cincturam nimis strictam, sive per saltationem immodicam, sive per variorum ciborum ingurgitationem, sive per consternationem subitam, sive alium quemvis modum, quem ei rei causam dare docuit docta Hippocratis schola, & dudam varia in omnis aetatis historiis occurrentia exempla affatim probant, quorum quadam adduxit Schonborn. *in polit. l. 1. c. 6.* Ex eodem quasi fonte fluit, quid sentiendum sit de illis, qui vel plane abigunt partum, vel crudeliter abjiciunt. Illud nullo modo permittendum Impi. putarunt, cum pro diversitate sceleris, ejusque circumstantiis, modo exilium, modo poenam L. Cornel. de Sicar. modo L. Pompej. de Parricid. ejusmodi monstrosis, ac in propriam sanguinem furentibus matribus dictavere, ceu apparet ex l. 4. *et gloss. ibid. ff. de extraord. criminib. & l. 1. ad L. Pompej. de Parricid. l. pen. C. de Sicar. l. 29. ff. de Pen. & aliis passim.* Quibus consona videri possunt in Const. Carol. V. *art. 131. et 133.* ibique Steph. *in nos.* Idem quoque obtinere jure Saxon. Elect. ex ejusd. *Const. 4. part. 4.* probat Carpz. *l. q. 11.* Posterius, abjicere sc. crudeliter partum, de prostibulis potius, quam matronis praesumendum videtur, & aliquando partus noviter editos ac abjectos divina ope servatos esse, historia um monumenta nobis affatim probant. Sufficiat tamen hic ex Livio adduxisse in scenam Romulum & Remum, lactentes ubera Lupae. Ex Justino Hieronem, Syracu-





farum postmodum Tyrannum, quem ex ancilla natum, & propterea tanquam dehonestamentum generis abjectum, apes, congesto circa jacentem melle, multis diebus aluere, & quæ alia multa huc adduci possint, nisi ulterius movendum sit. Nos tamen hoc non ita intellectum volumus, quasi quicquid, quocumque modo & forma pariat mulier, illud fovere & nutrire teneatur, sed cum contingere possit, partum non edi humanâ formâ, quales Jctis monstra vocantur, ea neutiquam alenda, sed abjicienda putamus, uti ea & ante nos occidi jussit sapientissimus Spartanorum Legislator Lyncurgus, teste Plutarch. in Lyncurg. Et idem de nostro tempore Imperat. Mauriti edito, ejusq; jussu occiso. testatur Niceph. lib. 6. hist. 38. Facit. l. 14. de stat. hom. l. 38. l. 135. ff. d. V. S. l. pen. C. de hered. Inst. ubi addimus, quod inter monstra tamen non quilibet partus numerandi sint, in quibus natura aliquo modo aberravit, fortè ampliando membrorum humanorum officia, ut loq. d. l. 14. ff. de stat. hom. sed in quibus partes maximè principales, qualis est caput, planè alteratæ sunt, qualem & nostrum seculum aliquando produxit, humanâ scilicet per alia formâ, sed capite & voce vitulinâ, & ex consilio Nobiliss. alicubi facultatis Juridicæ suffocatus est.

### X X I I I.

**P**ARTUITAQUE legitimè edito, mater tenetur eundem alere. Nimirum, cum natura eo fini matri binas mammas suppeditaverit, ea has ad debitum finem, nutritionem scilicet partus, applicare & dirigere, nec nisi in casu summæ necessitatis, quæ legem non habet, s. quanto X. de Consuetud. l. 10. ubi gl. 9. necessitatem ff. communi dividund. & ex non licito facit licitum c. quod non est licitum X. de R. l. 1. c. sicut, dist. 1. sive infirmitatis ve-





vel alius accidentis symptomatis, wenn die Mutter ihr Kind selbst zu seugen nicht vermag/ vel aliâ suadente & persuadente ratione, cum ad nutricandum alij fœminiâ quam nutricem eius Ammæ vulgò vocamus, committere debet, cum ex tali unâ cum lacte mores ac vitia ejusdem exsugant, quod ex Gell. probavimus, & rationem esse dissimilis parentum & liberorum naturæ diximus. vid. Michael Beuterus *Comment. ad Tacitum de morib. Germanor.* Longè aliter Radix nostra communis, veteres nempe Germani, teste Tacito, procedebant; Suis, inquit Historicus iste Germanis alias infensissimus, veritatis amicissimus, quemque uberibus alit, nec ancillis ac nutricibus delegantur. Et quidem, quid erubescat fieri nutrix, quæ non erubuit fieri mater? sicuti ad hunc sensum loquitur alicubi quoad eloquentiam Plato redivivus Chrysostomus in *Psalm. 50. Homil. 1.* Facit locus Ciceronis in *orat. pr. dom. sua*, Cuinam mulieri dedecori esse potest lactare filium, quem ex propriis visceribus eduxit, novemque integris mensibus plus minusve in penitissimis, abditissimis, reconditissimis uteri visceribus proprio sanguine aluit.

#### X X I V.

Illâ verò quæstio non incommodè hic moveri potest: An ex ratione vera seu apparenti Status, Reges qui summum imperium habent, ob sterilitatem conjugis vinculum solvere, & aliam virginem ex familia illustri nata, in uxorem ducere possint? De Francorum Rege Dagoberto legimus, quod ob illam causam uxorem ad patrios Lares remiserit, Petr. *Ærod. lib. 4. rer. judic.*



inossimâ Sueviæ puellâ, Gothofredi Alemannorum Ducis filiâ, Abb. Ursperg. *in Chron. Suev. sub Carol. Magno*. Ex eadem causâ ferè, Gallorum Rex Ludovicus VIII. Eleonoram Ducis Guinacæ filiam demisit, quod divortium colore & prætextu consanguinitatis excusare voluit, Petr. Matth. *in Vita Henric. IV. tom. 2. lib. 3.* Notum quoque exemplum divortij Galliarum Regis Henrici IV. Sic enim cum Margarita Valesia, Henrici II. filia, & Caroli IX. sorore contractum conjugium, ob defectum prolis à Pontifice Romano Clemente VIII. Anno M. D. C. deliberantibus nonnullis Cardinalibus, per sententiam nullum fuit declaratum, ne Regia stirps extingueretur Thuan, *Hist. lib. 125.* Verum, si rem ex genuinis principiis perpendimus, nos intrepidè affirmamus, sterilitatem ex ratione status consideratam, sufficientem causam divortij non esse, & est elegans sententia B. Augustin. *in lib. d. bon. conjug. cap. 7. caus. 32. q. 8. c. 27.* quod responsum Augustini Christiani semper approbarunt, & Ecclesia observavit, Sanchez. *d. Matrim lib 7. disp. 92. n. 26.* Nam sterilitas à Deo provenit, quam Sara confitetur, Genes. 16. *vid. Psal. 113.* quod & comprobatur exemplo Lotharij Regis, de quo in *cap. Lothar. 4. caus. 31. q. 2.* Arnif. *d. jur. Connub. c. 2. sect. 2. n. 11.* Petr. Ærod. *rer. judicat. lib. 4. tit. 17. cap. 4.* cordatè scribit, Nobis, qui Christiani sumus, nullum est legitimum tempus petendi divortium ex causa sterilitatis, latè Arnifæus *d. jur. Connub. cap. 6. sect. 8. n. 5. & seqq.* Nicol. Myler ab Eßrnbach *Gamalogia Person. Imp. Illustr. cap. 4.*

# X X V.

**A**D officium mulieris secundò spectat præstatio honoris & obsequii, quod quidem juri naturæ consentanea-



taneum esse, & maxime facere, tum ad privatae cujusvis familiae, tum universitatis ac Reipublicae salutem & commodum, negari non potest. De posteriori expressè Euripides: Nihil, inquit, non modo ad familiarum, sed etiam Rerumpublicarum salutem & dignitatem majus & melius, quam honesta uxorum erga maritos obsequia tueri. Unde non immerito Apostolus *ad Ephes. i. v. 22.* Mulieres jubet esse subditos viris. Sius naturæ scires, (ait Megistona Timoleontis uxor, reprehendens Aristotimum Eliensem Tyrannum, quod ipsam juberet imperatorias ad virum literas scribere,) non utique juberes viris suis mulieres quicquam præscribere, sed nos ad ipsos, tanquam dominos nostros, permitteres proficisci, uti testatur de ea Plutarch. *de Clar. mulierib.* cit. Arniseo *Lib. 1. polit. c. 3.* Eadem quoque natura ipsos docuit comam alere in signum subjectionis, quod, uti ait Lucianus, retro sparsa coma servitutis indicium præbeat, quemadmodum Romani pueros ante annos liberae pubertatis tondere non solebant, uti innuit Horat. *Lib. 4. Od. 10.* ibique Scholiast. Appositè Concilium Gangrense statuit: Quæcunque mulier religioni judicans convenire, comam sibi amputaverit, quam Deus ad velamen ejus, & ad memoriam subjectionis illi dedit, tanquam resolvens jus subjectionis, anathema sit, *c. quæcunque. dist. 30.* Et sanè maxima est infamia viro, si mulieris imperio se subjiciat, quo facit illud Ciceronis, quod citat Arniseus *d. l.* An ille mihi, inquit, videtur liber, cui mulier imperat, cui leges præscribit, iuber, verat quod videtur, cui



Zeit hero nicht beygewohnet/ und ihr eingebrachtes Gut auß verleitung Ihres Kriegiſchen Vormüunders entzogen/ derowegen zu Ehelicher Beivohnung und Darreichung der Nüßung von Ihren Gütern ſie abzuhalten gebeten/ Beklagte aber weder der Deſertion, Verleitung oder Vorenthaltung einiger Nüßung Ihres eingebrachten Gutes geſtändig geweſen/ ſondern darwider exceptivè eingewendet / daß ſie mit ſtetswehrender Kranckheit beladen/ von Ihrem Manne keinen Unterhalt erlangen können/ und wegen Abfalls ſeiner Nahrung in Gefahr ſtünde/ daß ſie um Ihre Armut gänglich gebracht werden müchete/ Als haben Wir der Beklagten auſſerlegt/ Ihrem Ehemann nicht allein zu Liſche/ ſondern auch/ ſo viel ihr wegen der angezogenen Kranckheit möglich/ zu Bette beizuwohnen / und die Abnützung von ihrem Vermögen ohne Abbruch zu reichen/ dagegen ſoll Ihr von dem Mann nothdürfftiger Unterhalt verſchaffet werden. Uti enim mulier ſplendet honore & dignitate mariti, l. 8. ff. de Senar. & quavis viro per mortem privetur, tamen retinet dignitatem defuncti. l. ult. ff. eod. ita etiam commune cum viro domicilium habere debet, ne vagus à thalamis conjugis erret amor, ait jam ſupra citatus Martial. lib. 12. epigramm. in fin. & mariti forum ſortitur mulier l. 19. ff. de Jurisdic. domus enim mariti eſt domicilium matrimonii l. 5. in fin. de Rit. Nupr. facit l. ult. C. de Incol. l. 65. ff. de Indic. Unde abſint à nobis Caricæ mulieres, quarum nulla cum marito cibum capit. Herod: Lib. 1. p. 60. Queritur autem hic, ſi mulier nacta ſit virum vagabundum, v. g. Empiricum. Utrum illum per ſaxa per ignes ſequi te-



qui non videatur cogenda, cum mulier sibi imputare debeat, quod tam temere in eum intruerit, neque prius in vitam & mores ejus inquisiverit, cum quilibet non debeat esse ignarus ejus conditionis, cum quo contrahit. Unaquæque mulier, inquit Augustin. sequitur virum suum in vita & morte. *Caus. 13. q. 2. c. 3.* Dissentit Schönborn. *loco supr. cit. Schneid. tit. de Nupt. p. 4. n. 47.* Vagabundi verò quoniam sint, notat Gail. 1. *Obs. 1. n. 34.* & adeò verum hoc existimamus, ut & in casu, quo alibi necessariò vivendum, uxor non sit dimovenda à consortio viri. Hackelman *disp. de Nupt. Thes. 12. & bannitum quoque uxor sequi teneatur. vid. l. 24. C. de donat. in t. vir. & ux. & l. 1. C. de repud.* Sic etiam Luther. *in c. 4. Genes. sentit, uxorem Cain post fratricidium commissum sequutam esse maritum, & coactâ ferre partem calamitatû mariti. Schneid. d. l. p. 49.*

#### X X V I I.

**Q**uid verò, si tanta sit sævitia mariti, ut cum eo sine discrimine vitæ uxor cohabitare non possit? Hoc casu aut sequestrationi locus esse potest, aut etiam separationi quo ad thorum & mensam; sequestrata autem non est restituenda, etiamsi maritus cautionem de non offendendo præstare voluerit, nisi constet eum ad meliorem mentem rediisse, satisfactio enim propositum malevolum non mutat, & damnum hic subest irreparabile. *c. ex transmissa 8. X. de restit. spoliat. ad d. Cludius de jure sequestrat. c. 10. n. 7.* Si autem nulla reconciliatio speranda, quæ tamen semper tentari ac præcedere debet, ad extremum illud, videlicet separationem quo ad thorum & mensam magistratus descendere potest, ad majora mala, videlicet homicidium, veneficium aliaque crimina præcavenda, prout praxis Consistoriorum Ecclesiasticorum edocet. Carpz. *Jurisprud. Consistorial. lib. 2. tit. 12. def. 211.* Græv. ad Gail.





*Lib. 1. Conclus. 17. cons. 3. n. 2.* Sic sævitiæ sponsi impedit, quo minus cum eo sponsa matrimonium contrahere cogatur, melius enim est intacta jura servare, quàm post vulneratam causam remedium quærere, *l. 1. C. quand. liceat unicuique sine jud. se vindic. l. ult. in fin. C. in quib. caus. restitut. in integr. non est necess.* Carpz. *d. lib. 2. def. 212;* Queritur autem, An facta separatione quo ad thorum & mensam, maritus nihilominus uxori alimenta præstare sit obstrictus? Quod affirmatur, quia per ejusmodi separationem, conjugij vinculum non solvitur, & ideo maritus à præstatione alimentorum, durante illorum causa, vinculo scilicet matrimoniali, non liberatur, & ita à Senatu Mantuano decisum fuisse, ex Joan. Petro Surd. *tract. de alim. tit. 1. q. 118. n. 5.* notat Grav. ad Gail. *d. l. n. 8.* & præjudicio confirmat Carpz. *d. l. def. 13.* In Sachen Christinen Hansen N. Eheweibes Klägerin an einen/ und jeso gedachten Ihren Ehemann beklagten andern Theils &c. Daraus allenthalbten so viel erscheinet/ daß Klägerin ihrem Ehemanne zu Tische und Bette wider ihren Willen ferner bezuwohnen nicht angehalten werden mag/ Er habe Ihr dann zuvor der geklagten sævitiæ halber gnugsamen Vorstand bestellt/ inzwischen ist er ihr die drey mit Ihm erzeugte Töchterlein nebst ihren Betten und Kleidern folgen zu lassen/ Ihnen auch zu Ihrem Unterhalt wöchentlich 2. R. und jeso alsobald der Klägerin vor die auffgewandte Unkosten und 8. Wochen aliment Gelder (so zu sammeln auff 12. R. 9. gr. hiemit gemässigtet werden) zu entrichten schuldig &c. Notandum, quod alimentorum nomina etiam comprehenduntur.



*in uxorem C. de negot. gest.* Joach à Beuſt *de jure connub.*  
*p. 2. c. 9. in fin.* Liberatur etiam ab hac præſtatione ali-  
 mentorum maritus, ſi bona illata reſtituat, & quidem  
 ex his rationibus quas adducit Carpzov. *def. 214. n. 8. &*  
*ſeqq.* (1) Ne uxori idem bis exſolvatur, quod bona fides  
 non admittit *l. bona fides 57. ff. de R. I.* nec duplici onere  
 gravetur maritus. (2.) Quia præter alimenta neceſſaria  
 uxori nihil debetur, quæ alimenta ex fructibus bonorum  
 illatorum capere poteſt. (3.) quod alimenta ſuccedant  
 in locū uſurarum & fructuū dotis illatæ. vid. Carpz. *d. def.*  
*214. per tot.* X X V I I I.

**V**idebantur nunc adducenda eſſe media & modi, quibus u-  
 terque conjugum officia ſua & prædicta munia exactè o-  
 bire, & per conſequens omnem diſcordiæ domesticæ anſam  
 præcidere queant, niſi neceſſitas nos vela contrahere, & hæc  
 decidenda hujus materiæ practicis ſubmittere juberet, quocirca  
 nos vaſa colligimus, poſtquam uxores quascunque informan-  
 das dederimus Alcumenæ Amphytionis uxori apud Plautum,  
 quæ talia, albo certelapillo ab omnibus notanda verba proferet,  
 & alloquitur maritum:

*Non ego illam mihi dotem dico, quæ dos dicitur,  
 Sed pudicitiam & pudorem, & ſedatam cupidinem,  
 Deum meum, parentum amorem, & cognatum concordiam.  
 Tibi morigera, atque ut munifica ſim bonis, proſim omnibus.*

Et ut ſummatim dicam, ita uxor erga maritum ſe præbeat, ut nil  
 magis quam obſequii gloriæ amplectatur, nihil ex ſaſtigio ma-  
 ritorum præter gaudium ſibi vindicet, ita ſe veſtiat, ut pro digni-  
 tate mariti membra quidem honeſtè tegat, at animi laſciviam  
 nequaquam denudet aut aperiat. Induta ſit ſcæmina, ait D. Pau-  
 lus, habitu pudoris & caſtitaſis: hæc virtute ſcæmina ſe dignam  
 facit laudabili illa corona, ut ſit in terris felix, & in cælo beatiſ-  
 ſima, & maritus, cum quo in ſumma concordia ſine rixis & jurgiiſ  
 vixit, ob inſignem morum ſanctitatem, caſtitaſtem, pudici-  
 tiaſ & eximiaſ erga liberos pietatem, monumentum  
 cum hoc elogio erigere poſſit:

AH! UXOR MEA CHARISSIMA, NIHIL INQUAM  
 PECCAſTI, NISI QUOD MORTUA Eſ!

T A N T U M

